



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's Affairs

**Broj: 06-11-13646-9/23**  
**Sarajevo, 27.06.2023. godine**

Na osnovu čl. 64. stav 1. tačka (b) i 70. st. 1, 3. i 6. Zakona o javnim nabavkama BiH („Službeni glasnik BiH“, br. 39/14 i 59/22), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), člana 8. stav 2. tačka (f) Pravilnika o uspostavljanju i radu komisije za javne nabavke („Službeni glasnik BiH“, broj 103/14), člana 27. Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 14/23 i 17/23), na preporuku Komisije za javne nabavke broj: 06-11-13646-7/23 od 23.06.2023. godine, u postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2023. godinu - uz primjenu E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16), nabavka broj: 06-11-13646/23 od 24.04.2023. godine, Tenderska dokumentacija zajedno sa obavještenjem o javnoj nabavci broj: 920-1-1-7-3-41/23 objavljena na Portalu javnih nabavki na bosanskom i na engleskom jeziku i sažetak obavještenja u „Službenom glasniku BiH“, Ministar za boračka pitanja Kantona Sarajevo, donosi,

## **ODLUKU**

**o izboru najpovoljnijeg ponuđača za javnu nabavku:**  
**Nabavka, transport i isporuka građevinskog materijala**  
**za pripadnike boračke populacije Kantona Sarajevo za 2023. godinu**  
**Otvoreni postupak uz primjenu E-aukcije**  
**JRJN: 44100000-1 (Građevinski materijali i pridruženi artikli)**

### **Član 1.**

**Prihvata se preporuka** Komisije za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo za 2023. godinu broj: 06-11-13646-7/23 od 23.06.2023. godine o izboru najpovoljnijeg ponuđača i Okvirni sporazum za predmetnu javnu nabavku dodjeljuje se **ponuđaču „SENIGOR“ d.o.o. Sarajevo, ponuda broj: 06-11-28604/23 od 16.06.2023. godine, za ponuđenu cijenu nakon provedene E-Aukcije u iznosu 283.000,00 KM bez PDV-a, odnosno 331.110,00 KM sa PDV-om.**

### **Član 2.**

Prijedlog Okvirnog sporazuma o nabavci dostavit će se na potpis izabranom ponuđaču „Senigor“ d.o.o. Sarajevo po protoku roka od 15 dana, računajući od dana od kada su svi ponuđači obavješteni o izboru najpovoljnijeg ponuđača.



Sastavni dio Okvirnog sporazuma će sačinjavati i specifikacija ponuđenih roba iz ponude izabranog ponuđača Senigor d.o.o. Sarajevo sa traženim okvirnim količinama i cijenama umanjenim za 16,74%, u skladu sa članom 8. stav (3) Pravilnika o uslovima i načinu korištenja E-Aukcije („Službeni glasnik BiH“, broj 66/16).

Po osnovu zaključenog Okvirnog sporazuma, sa izabranim ponuđačem će se zaključivati posebni ugovori po osnovu pojedinačnih specifikacija.

Izabrani ponuđač Senigor d.o.o. Sarajevo će u uz svaki pojedinačni ugovor dostaviti garanciju za uredno izvršenje ugovora u roku i na način propisan tenderskom dokumentacijom.

### **Član 3.**

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.

### **Član 4.**

Ova Odluka objavit će se na web-stranici Ministarstva za boračka pitanja Kantona Sarajevo [www.mbp.ks.gov.ba](http://www.mbp.ks.gov.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

### **Član 5.**

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

## **O b r a z l o ž e n j e**

Postupak javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2023. godinu pokrenut je Odlukom o pokretanju postupka broj: 06-11-13646/23 od 24.04.2023. godine putem otvorenog postupka uz primjenu E-Aukcije u skladu sa Pravilnikom o uslovima i načinu korištenja E-Aukcije („Službeni glasnik BiH“, broj 66/16).

Krajnji rok za dostavljanje ponuda iz tenderske dokumentacije i obavještenja broj: 920-1-1-7-3-41/23 od 04.05.2023. godine je bio 19.06.2023. godine do 10.00 sati, dok je javno otvaranje ponuda zakazano isti dan u 11.00 sati.

Komisija za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo za 2023. godinu imenovana Rješenjem ministra broj: 06-11-17171/23 od 28.04.2023. godine je dana 19.06.2023. godine u 11.00 sati izvršila javno otvaranje ponuda po otvorenom postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2023. godinu.

Na javnom otvaranju ponuda nije prisustvovao niko od predstavnika ponuđača, a što je konstatovano u zapisniku o otvaranju ponuda.

Zapisnici o otvaranju ponuda su upućeni svim učesnicima postupka putem fax-a i poštom putem Stručne službe za zajedničke poslove Kantona Sarajevo (Protokol) u zakonskom roku.

Prilikom otvaranja ponuda utvrđeno je da su blagovremene ponude dostavila ukupna dva ponuđača sa ponuđenim cijenama kako slijedi:



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

Redni broj	Ponudač	Vrijednost ponude (bez PDV-a)	Vrijednost ponude sa popustom bez PDV-a	Popust	Vrijednost ponude sa popustom sa PDV-om
1.	Senigor d.o.o. Sarajevo 4200909100007	339.908,66 KM	397.693,13 KM	0%	397.693,13 KM
2.	Pennyplus d.o.o. Sarajevo 4200162210002	341.314,09 KM	399.337,49 KM	0%	399.337,49 KM

Nakon javnog otvaranja ponuda, Komisija za predmetnu javnu nabavku je isti dan u 11.45 sati na zatvorenoj sjednici pristupila pregledanju i ocjeni pristiglih ponuda.

Evaluacijom blagovremeno pristiglih ponuda ponuđača Senigor d.o.o. i Pennyplus d.o.o. Sarajevo Sarajevo utvrđeno je slijedeće:

Analizom ponude ponuđača Senigor d.o.o. Sarajevo, Komisija za predmetnu javnu nabavku je utvrdila da je dostavljena ponuda potpuna i ispunjava sve uslove postavljene u tenderskoj dokumentaciji.

Analizom računске ispravnosti cijena iz dostavljene specifikacije u ponudi utvrđeno je da nema grešaka.

Analizom ponude ponuđača Pennyplus d.o.o. Sarajevo, Komisija za predmetnu javnu nabavku je utvrdila da je dostavljena ponuda potpuna i ispunjava sve uslove postavljene u tenderskoj dokumentaciji.

Međutim, nakon analize računске ispravnosti cijena iz dostavljene specifikacije u ponudi, a na osnovu upisanih jediničnih cijena, utvrđena je razlika u ukupnoj cijeni pod stavkom VIII „Sanitarni uređaji i galanterija“ gdje je zbir u dostavljenohj specifikaciji 14.155,08 KM, a računskom provjerom je dobiven zbir 14.155,48 KM (razlika je 0,40 KM načinjena prilikom sabiranja ukupnih cijena).

Dakle ponuđena cijena bez PDV-a iz dostavljene ponude je 341.314,09 KM, a provjerom je dobiven iznos 341.314,49 KM.

Od ponuđača Pennyplus d.o.o. Sarajevo je pismenim putem zatraženo da dostavi saglasnost na korigovanu cijenu.

Ponuđač Pennyplus d.o.o. Sarajevo je dostavio saglasnost na korigovanu cijenu u ostavljenom roku, te istom potvrdio da je ponuđena cijena 341.314,49 KM bez PDV-a.

Nakon detaljne analize blagovremeno pristiglih ponuda zakazana je E-Aukcija za dan 23.06.2023. godine u 11.00 sati u trajanju od 20 minuta.

Nakon okončane E-Aukcije dana 23.06.2023. godine u 11.29 sati dostavljen je Izvještaj Agencije za javne nabavke sa konačnom rang listom ponuđača koji su učestvovali na E-Aukciji kako slijedi:

1. Ponuđač Senigor d.o.o. Sarajevo – konačna cijena nakon E-Aukcije iznosi: 283.000,00 KM, odnosno za 16,74% niža od prvobitno ponuđene cijene;
2. Ponuđač Pennyplus d.o.o. Sarajevo – konačna cijena nakon E-Aukcije iznosi: 286.660,00 KM, odnosno na 16,01% niža od prvobitno ponuđene cijene.



U skladu sa konačnim ponuđenim cijenama ponuđača nakon okončane E-Aukcije, Komisija je zauzela stav o prihvatanju ponuđene najniže cijene ponuđača Senigor d.o.o. Sarajevo u iznosu 283.000,00 KM bez PDV-a, odnosno 331.110,00 KM sa PDV-om.

Prema zapisnicima, preporuci i izvještaju dostavljenim od strane Komisije za javnu nabavku u postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2023. godinu, ocijenjeno je da je postupak blagovremeno proveden, te da je izbor prvorangiranog ponuđača „Senigor“ d.o.o. Sarajevo izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama BiH, te člana 27. Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, br. 14/23 i 17/23), odlučeno je kao u članu 1. ove Odluke.

### POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke ugovornog organa o izboru najpovoljnijeg ponuđača.

Žalba se podnosi URŽ-u putem ugovornog organa u 3 (tri) primjerka.

Dostaviti:

1. Ponuđačima x2:
2. Evidenciji:
3. a/a.



**MINISTAR**

**Dr. sc. Omer Osmañović**



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)